

# LA HISTORIO DI BENJAMIN KUNIKLETO



da  
Beatrix Potter

Unesme publisita 1904

Ica tradukuro

Creative Commons 2023 by Brian E. Drake  
Attribution-NonCommercial-ShareAlike 4.0 Unported  
International

The Oxford Rationalist  
56 Albany Street  
Oxford, NY 13830 USA  
(607) 843-2636  
brian.eric.drake@gmail.com

# **La Historio di Benjamin Kunikleto**

da  
Beatrix Potter



tradukita da  
Brian E. Drake



POR LA PUERI DI SAWREY  
DA  
OLDA SIORULO KUNIKLETO





U<sup>LAMATINE</sup> kunikletō sidis sur  
teraso.

Il erektis sua orelī ed askoltis la trit-  
trot, trit-trot di poneo.

Kabrioletō venis alonge la voyo; ol  
veturigis da siorulo McGregor, ed apud il  
sidis siorino McGregor, qua weris sua  
maxim bona kofio.





T<sup>AM</sup> balde kam li pasabis, mikra Benjamin Kunikleto glitis aden la voyo ed ireskis—per salteteto e salteto e salto—por vizitar sua parenti habitanta la foresto dop la gardeno di siorulo McGregor.



**I**TA foresto esis plena de kuniklo-trui; ed en la maxim neta, maxim sabloza truo ek omni habitis la onklino e kuzini di Benjamin—Flopsi, Mopsi, Kotonokaudo, e Petro.

Olda siorino Kuniklo esis vidvino; el entratenis su per trikotar miteni e mufeti ek kuniklo-lano (me unfoye kompris paro de oli che bazaro). El anke vendis herbi, e rosmarino-teo, e kuniklo-tabako (to quon ni nomas lavendo).



**M**IKRA Benjamin ne multe deziris  
vizitar sua Onklino.

Il iris cirkum la dopajo di la abieto, e  
preske faletis adsur la suprajo di sua kuzo  
Petro.



P<sup>ETRO</sup> solitare sidis. Il ne sane  
aspektis, e vestizesis per reda kotona  
posh-nasztuko.





PETRO,” susurante dicis mikra Benjamin, “qua havas tua vesti?”

Petro respondis, “La terorigilo en la gardeno di siorulo McGregor,” ed il naracis quale il esabis chasata tra la gardeno, e quale il faligabis sua shui e vestono.

Mikra Benjamin sideskis apud sua kuzo e certigis da il ke siorulo McGregor forirabis per kabrioletto, ed anke siorino McGregor; e certe por la tota dio, pro ke el veras sua maxim bona kofio.



PETRO dicis ke il esperas ke pluvos.

Tainstante la voco di olda siorino Kuniklo audeŝis en la kuniklo-truo, klamante: “Kotono-Kaudo! Kotono-Kaudo! querez plusa kamomilo!”

Petro dicis ke il opinionas ke il plu bone standus se il promenus.



**L**I IRIS manuo en manuo, ed acensis  
til la plata suprajo di la muro ye la  
bazo di la foresto. De ube li regardis aden  
la gardeno di siorulo McGregor. La  
vestono e shui di Petro esis klare videbla  
sur la terorigilo, kronizita da anciena  
boneto di siorulo McGregor.



**M**IKRA Benjamin dicis: “Klemar sub pordeto desnetigas la vesti; la justa maniero enirar esas klimar adinfre de piriero.”

Petro adinfre falis kapavane; ma to ne importis, pro ke la suba bedo esis freshe rastata e tre mola.

Ol semesis per latugi.





**L**I LIVIS multa pedo-traceti en la tota  
bedo, precipue mikra Benjamin,  
qua weris ligna shui.



**M**IKRA Benjamin dicis ke l'unesma tasko facenda esas riganar la vesti di Petro, por ke li uzez la posh-nasztuko.


Li prenis oli de la terorigilo. Pluvabis dum la nokto; aquo esis en la shui, e la vestono poke diminuteskabis.

Benjamin metis la boneto, ma ol esis tro granda por il.



P<sup>O</sup>SE il sugestis ke li plenigez la posh-  
nastuko per onyoni, kom donacajo  
por sua Onklino.

Petro ne semblis juar su; il sempre  
audis bruisi.



**K**ONTREE, Benjamin juis tota komforto, e manjis latugo-folio. Il dicis ke il kustumas venar a la gardeno kun sua patro por obtenar latugi por sua sundio-supeo.

(La nomo di la patro di mikra Benjamin esas olda siorulo Kunikleto.)

La latugi ya esis tre saporoz.





PETRO manjis nulo; il dicis ke il  
deziras irar adheme. Balde il faligis la  
duimo di la onyoni.



**M**IKRA Benjamin dicis ke ne esas  
posibla acensar la piriero dum  
portar quanto de legumi. Il audacoze  
duktis Petro vers la altra latero di la  
gardeno. Li iris alonge trotuareto ek  
planki, sub sunoza muro ek reda briki.

La musis sidis sur sua peroni e krakis  
ceriso-kerni; li palpebragis ye Petro  
Kuniklo e ye mikra Benjamin Kunikleta.



BALDE Petro itere faligis la posh-  
nasztuko.



**L**I IRIS adinter la floro-vazi, e frami, e kuvi. Petro audis mem plu mala bruisi; ilua okuli esis tam granda kam bonboni!

Il esis un o du pazi avan sua kuzo kande il subite haltis.





**Y**<sup>EN</sup> to quon ta kunikleti vidis  
cirkum la angulo!

Mikra Benjamin unfoye regardis, e  
lore, un mi-minuto min kam nula tempo,  
il celis su ipsa e Petro e la onyoni sub  
granda korbo....



**L**A KATO staceskis ed extensis su, e  
venis e sniflis la korbo.

Forsan lu prizis la odoro di onyoni!

Omnakaze, el sideskis adsur la suprajo  
di la korbo.



Lu ibe sidis dum *kin hori*.

**M**E NE povas desegnar imajo por tu di Petro e Benjamin sub la korbo, pro ke ol esis tote obskura, e pro ke laodoro di la onyoni esis terorinda; ol plorigis Petro Kuniklo e mikra Benjamin.

La suno iris addop la foresto, e la posdimezo esis tre avancita; ma la kato ankore sidis sur la korbo.



**T**ANDEM audesis pita pata, pita-pata,  
ed ula mortero-peceti falis ek la  
supra muro.

La kato adsupre regardis e vidis olda  
siorulo Benjamin Kunikleta promenanta  
alonge la supraĵo de la muro de la supra  
teraso.

Il fumigis pipedo de kuniklo-tabako, e  
tenis vergeto en sua manuo.

Il serĉis sua filiulo.





**O**LDA siorulo Kunikleto havis tote nula opiniono pri kati.

Il forte saltis de la supraĵo di la muro adsur la kato, e frapis lu de la korbo, e ped-frapis lu aden la teplico, e forskrachis manuedo de furo.

La kato esis tro surprizata reciproke skrachar.



**P**os ke olda siorulo Kuniketo  
forpulsabis la kato aden la teplico, il  
riglo-klozis la pordo.

Lore il retrovenis a la korbo ed  
ektranis sua filiulo Benjamin ye la oreli, e  
flogis il per la vergeto.

Lore il ektranis sua nevulo Petro.



**P**OSE il ekprenis la naztuko plena de  
onyoni, e marchigis li ek la gardeno.



S IORULO McGregor, riveninte un  
duimo di horo plu tarde, observis  
plura kozi qui perplexigis il.

Sembris ke ula homo marchabis tra la  
tota gardeno werante paro de ligno-shui  
—ma la pedo-traci esis tro ridinde mikra!

Il anke ne povis komprenar quale la  
kato sucesis inkluzar su *en* la teplico e  
riglo-klozar la pordo *extere*.





PETRO arivinte che su, la matro pardonis il, pro ke el esis tante joyoza ke il trovabis sua shui e vestono. Kotono-Kaudo e Petro faldis la posh-nasztuko, ed olda siorino Kuniklo enkordetigis la onyoni e pendigis oli de la plafono di la koqueyo, kun la amasi de herbi e la kuniklo-tabako.

FINO